

湖南永順府永順縣知縣王伯麟重編

圖象志

昔龍馬負圖庖羲氏則其文以畫八卦黃帝受河圖見日月星辰之象以敘五行禹鑄九鼎以象九州周官大司徒之職掌天下土地之圖以周知地域廣輪之數後世郡邑志乘圖象之名益本乎此永雖僻處邊隅其星宿之曜次以及學宮衙署城郭山川之形勢不可不臚列之以備觀覽也志圖象

永順縣志

卷一

圖象志

五

星野

黃帝分野自張十八度至軫十一度為楚分

周禮保章氏翼軫荊州

辰州府志引天文志云楚翼軫之分野翼軫鶉尾之次在巳位鄭元曰鶉尾楚也隋史註曰南方七星形如鶉尾大都翼軫鶉尾自張十七度至軫十一度武陵入軫之十度在晉隋時辰沅皆屬武陵郡意亦在九度之間

沅陵縣志引通志云武陵今之常德也奄及辰沅挈

領諸邑越華容西境至澧州石門慈利安鄉極於靖
之轄縣旁引永順保靖諸司皆武陵入軫十度之野

廣輿記登壇必究二書並載永順天文翼軫分野

麟按歷來志天文者僉謂楚為翼軫分野又攷宋
元兩朝天文志云軫四星距西北星去極一百三
度半右轄星去極一百一十度半入翼宿十六度
半左轄星去極一百一十二度半入軫宿五度軍門二
星距西南星去極一百一十二度半入翼宿十三
度土司空四星距南星去極一百二十度入翼宿
十四度青邱七星距西北星去極一百二十四度
半入軫宿五度器府三十二星距西北星去極一
百三十七度半入翼宿八度半又軫宿歌云軫四
星似張翼又查施南乃翼宿分野永順去施南最
近似宜在翼軫之間今從通志入軫十度之說似
軫宿分野為定但天高星遠星經固散失無存而


永順縣志

卷一

圖象志

天文圖籍又非人間所敢收藏茫茫無可考證非
麟淺見寡聞者所能臆窺也聊附數語於此以備
高明採擇云又昔人謂星為萬物之精又曰山川
精氣土為列星故凡人事修於下星象應於上司
上者仰觀俯察其可忽諸

軫宿圖



軫宿歌

軫四星似張翼相近中央一個長沙子左轄右轄附

兩星軍門兩黃近翼是門下四個土司空門東七鳥
 青邱子青邱之下名器府器府之星三十二以上便
 為太微宮黃道向上看取是

麟按前陞縣李所輯志原有軫宿圖但有星無字
 亦無此歌沅陵縣志所繪圖與登壇必究所載稍
 異而歌訣又與文獻通考登壇必究不同今惟改
 照二書繪錄於右

永順縣志


卷一

圖象志

三

縣治四境圖






四至詳載疆域

永順縣志

卷一

縣署圖



亭

亭

亭

亭

亭

亭


永順縣志


卷一

圖象志

三

學宮圖





永順縣志

卷一

圖象志

二九

地輿志

昔周官錫爵裂土公侯伯子男各分治其封疆至秦改設郡縣相沿迄今要之畫疆定治其義一也永順古荒服地其以上下溪州名見諸載籍者自唐始而彭氏之得有其土以名爵傳者自後晉天福五年彭士愁始其地內控諸蠻外為辰沅障蔽重崗複嶺水激石叢最稱險要謹臚列疆域形勝沿革各項見烏言異服之區無不可為文物聲明之地蒞茲土者亦得以因地制宜也志地輿

永順縣志

卷一

地輿志

疆域

三

疆域

永順城東一百六十里至烏溪河抵直隸澧州永定縣界南一百八十里至高望界葛竹溪抵辰州府沅陵縣界西六十里至施溪河抵同府保靖縣界西南二百里至喜鵲營抵辰州府乾州界西北一百六十里至岩屋口抵同府桑植縣界東西廣二百五十里南北袤二百三十里週圍幾一千里

沿革

禹貢荊州之域天文翼軫分野乃古蠻夷地春秋時

楚國之境也秦屬黔中郡漢屬武陵郡隋為辰州地
梁為福石郡唐天授初析置溪州又為靈溪郡五代
時為靜邊都又為大鄉三亭隴西等縣地屬楚馬氏
宋初為永順州及上中下溪三州嘉祐中溪州刺史
彭仕義叛臨以大兵仕義降熙寧中築下溪州城賜
名會溪隸辰州元時彭萬潛改為永順等處軍民安
撫司彭天寶又改宣撫司明洪武五年歸順六年陞
為永順等處軍民宣慰使司設流官經歷隸湖廣都
使司領土知州三曰南渭州施溶州上溪州領長州

永順縣志

卷一

地輿志沿革

三

司六曰臘惹洞長官司麥著黃洞長官司臘遲洞長
官司施溶溪長官司白崖洞長官司田家洞長官司
各給印信

國朝順治四年宣慰使彭弘澍同長子彭肇桓率領舍
把并所轄三知州六長官五十八旂三百八十洞苗
蠻軍民人等投誠順治十四年頒給宣慰使及六長
官印信并設流官經歷一員雍正四年設同知一員
經歷一員六年土官宣慰使彭肇槐獻地歸誠題奉
俞允改土歸流立府治以其地分二縣一曰永順一曰龍

山時保靖桑植二司亦適改縣治共四邑歸永順府
轄

永順縣志

卷一

地輿志
沿革

三

彭肇槐獻土始末

彭肇槐守

弘海子雍正五年保靖土司骨肉相

殘桑植土司暴虐不仁皆奉

旨改

土歸流肇槐撫永順恭順無過能輯和人民上司鄰

郡皆稱其賢獨能顛顛向化懷獻土之誠時有鎮守

總鎮楊諱凱以桑植副將帶兵彈壓保靖道經永順

彭肇槐以獻土意請商楊公深嘉其議肇槐遂不謀

於舍把人等率子景熾具呈

督撫請題呈稱生逢堯

舜之世下得與於內地臣民之列深自愧悔今造具

永順縣志

卷一

地輿志沿革

三三

家口冊籍繪具與圖情願改土歸流並求安插江西

祖籍量授武職徵員効力圖報等語具題

皇上

勅令 前撫憲王親詢肇槐果出自誠心抑或

脅否肇槐稱世受

國恩情願改土歸流量授武職徵員並非出自迫脅等

語又辰沅靖道王諱柔而

奏肇槐情願改土歸流情詞懇切並非迫脅等語

旨

皇上復令肇槐進京引

見奏對稱

皇上准其請授為叅將之職賞銀一萬兩予以拖沙刺哈
番世襲罔替著將家屬安插原籍江西吉水縣遂

詔令設官分職議改永順司為永順府以永順縣為附郭
外設龍山一縣其保靖桑植皆設知縣屬永順府轄
復

詔令永順司原額秋糧銀一百六十兩永順龍山各分八
十兩徵收其田畝令民自首給照免其丈量又發
帑金建城垣立學校開河道立市鎮置郵傳脩祠宇
衙署等項有司遵奉建造凜遵

永順縣志

卷一

地輿志 沿革

三

諭旨勸耕稼興黨塾宣揚

上諭化導愚頑於是永順千百年之草昧千百里之土邊
均得與被仁義禮樂之化皆彰榘獻土之功也宜
其榮膺顯秩爵及苗裔他日寢昌寢熾為豫章望族
不可預量哉

摘錄永順上司沿革始末

明史云永順漢武陵隋辰州唐溪州地也宋初爲永順州嘉祐中溪州刺史彭仕義叛臨以大兵仕義降熙寧中築下溪州城賜名會溪元時彭萬潛自改爲永順等處軍民安撫司洪武五年永順宣慰使順德汪倫堂厓安撫使月直遣人上其所有僞夏印詔賜文綺襲衣遂置永順等處軍民宣慰使司隸湖廣都指揮使司領州三曰南渭州曰施溶曰上谿長官司六曰臘惹洞曰麥着黃洞曰臚遲洞曰施溶溪曰白

永順縣志

卷一

地輿志沿革

三五

崖洞曰田家洞九年永順宣慰彭添保遣其弟義保等貢馬及方物賜衣幣有差自是每三年一入貢永樂十六年宣慰彭源之子仲率土官部長六百六十七人貢馬宣德元年禮部以永順宣慰彭仲子英朝正後期請罪之帝以遠人不無風濤疾病之阻仍賜予如例總兵官蕭綬奏酉陽宋農里石提洞軍民被臘惹洞長謀古賞等連年攻劫又及後溪招之不從乞調兵剿之謀古賞等懼願罰人馬贖罪乃罷兵正統元年命彭仲子世雄襲職天順二年諭世雄調土

兵會剿貴州東苗成化三年兵部尚書程信請調永順兵征都掌蠻十三年以征苗功命宣慰彭顯英進散官一階仍賜勅獎勞十五年免永順賦弘治七年貴州奏平苗功以宣慰彭世騏等與有勞世騏乞陞職兵部言非例請進世騏階昭勇將軍仍賜勅褒獎從之八年世騏進馬謝恩十四年世騏以北邊有警請帥士兵一萬赴延綏助賊兵部議不可賜勅獎諭并賜奏事人路費鈔千貫免其明年朝覲以方聽調征賊婦米魯故也正德元年以世騏從征有功賜紅

織金麒麟服世騏進馬謝恩二年進馬賀立中宮命給賞如例五年永順與保靖爭地相攻累年不決訴於朝命各罰米三百石六年四川賊藍廷瑞翻本怒等及其黨二十八人倡亂兩川烏合十餘萬人僭王號置四十八營攻城殺吏流毒黔楚總制尚書洪鍾等討之不克己而爲官軍所遏乏食乃佯聽撫劫掠自如廷瑞以女結婚於永順土舍彭世麟莫綏兵世麟僞許之因與約期廷瑞本怒及王金珠等二十八人皆來會世麟伏兵擒之餘賊潰渡河官兵追圍之

擒斬及溺死者七百餘人總制巡撫以捷聞將資有
差論者以是役世麟爲首功七年賊劉三等自遂平
趨東寧宣慰彭明輔及都指揮曹鵬等以上軍追擊
之賊倉卒渡河溺死者二千八人斬首八十餘及巡撫
李士實以聞命永順宣慰格外加賞仍給明輔誥命
十年致仕宣慰彭世麒獻大木三十次者二百親督
運至京子明輔所進如之賜勅褒諭賞進奏人鈔千
貫十三年世麒獻大楠木四百七十子明輔亦進大
木備營建詔世麒陞都指揮使賞蟒衣三襲仍致仕

明輔授正三品散官賞飛魚服三襲賜勅獎勵仍令
鎮巡官宴勞之時政出權偉恩澤皆由於干請於是
郴州民頌世麟征賊時號合嚴明其土官彭芳等亦
頌世麒功乞蟒衣玉帶兵部格不可乃已世麒辭賞
請立坊賜名曰表勞會有保靖兩宣慰爭兩江口之
議詞連明輔王者議遠治明輔乃令蠻民奏其從征
功悉辭香爐山應得官賞以贖遠治之辱部議悉已
之嘉靖六年論擒岑猛功免應襲宣慰彭宗漢赴京
而加宗漢父明輔祖世麒銀幣二十一年巡撫陞傑

言西陽與永順以採木仇殺保靖又煽惑其間大爲
地方患乃命川湖撫臣撫戢勿釀兵端是年免永順
秋糧三十三年冬調永順土兵協剿倭賊於蘇松明
年永順宣慰彭翼南統兵三千致仕宣慰彭明輔統
兵二千俱會於松江時保靖兵敗賊於石塘灣永順
兵邀擊賊奔玉江涇大潰保靖兵最末順次之帝降
敕獎勵各賜銀幣翼南賜三品服先是末順兵剿新
場倭倭故不出保靖兵爲所誘遽先入永順土官田
苗田豐等亦爭入爲賊所圍皆死之議者皆言督撫

經畧失宜致末順兵再戰再北及玉江涇之戰保靖
犄之末順角之斬獲一千九百餘級倭爲奪氣蓋東
南戰功第一云時邀功者方行賞翼南遂授昭毅將
軍已陞右叅政管宣慰事與明輔俱受銀幣之賜時
末保二宣慰破倭後兵驕所過皆劫掠沿江上下苦
之御史請究治部議以土兵新有功遽加罰失遠人
心宜諭責之并令浙直練鄉勇嗣後不得輕調土兵
四十二年以獻大木功再論賞加明輔都指揮使賜
蟒衣其子寧宣慰司事右叅政彭翼南爲右布政使

賜飛魚服仍賜勅獎勵四十四年永順復獻大木詔
加明輔翼南二品服萬曆二十五年調永順兵萬人
援遼宣慰彭元錦請脩衣糧聽調旣而支吾有要挾
之迹命罷之三十八年賜元錦都指揮銜給蟒衣一
襲妻汪氏封夫人四十七年永順貢馬後期減賞兵
部言前調宣慰元錦兵三千人援遼已半載到關者
僅七百餘人命究主兵者四十八年進元錦都督僉
事先是元錦以調兵三千爲不足立功願以萬兵往
朝廷嘉其忠加恩優渥旣而檄調八千僅以三千塞

永順縣志

卷一

地輿志沿革

三九

責又上疏稱病爲巡撫所劾得旨切責元錦不得已
行兵抵通州北關三路敗衄遂大潰於是巡撫徐兆
魁言調永順兵八千費踰十萬今奔潰虛糜無益罷
之

侯氏永保總說云

侯氏名加地明辰州府推官

哨所

之後附以土司蓋爲永保封疆與沅瀘接壤而表裏
營哨先年大征諸苗直指秦聞以各該苗寨分責各
土司官承管又永安強虎洞口算子四寨撥有土兵
亦旣煩歲餉矣初保靖請設衛官二員一曰清水堡

官一曰坐鎮官後堡官以冗員裁去之永順至隆慶間亦循例請官坐鎮司屬有經歷都事吏目皆流官原非無事事者今皆亦視為冗員也苗彝雜處所賴道臣控駕於上防範而彈壓之漢土並受其福矣又曰永順司禹貢荊州之域秦屬黔中郡漢為武陵郡地隋為辰州地梁為福石郡唐天授初析置溪州亦為靈溪郡五代時為靜邊都又為大鄉三亭隴西等縣地屬楚王馬氏宋初為永順州及上中下溪三州熙寧中築下溪州城賜名會溪標有銅柱按以銅柱為熙寧時

永順縣志

卷一

地輿志沿革

四

立殊無所據詳辨於後

元延祐七年為安撫司至正間改為宣

撫司洪武二年內附六年陞永順等處軍民宣慰使司隸湖廣布政司又割新添葛蠻安撫司之南渭州及白崖洞長官司思州安撫司之施溶州臘惹洞麥着黃洞驢遲洞為二州五長官司復并三溪地置上溪州暨置田家洞又為一州一長官司即今之三州六司也會溪地有巡檢在焉其形勝依山為郡乃四通八達之地其俗短裙椎髻常喜漁獵銅鼓祀神刻木為契其域去京師七千三百里東三百九十里抵

岳州府澧州慈利縣界西二百二十五里抵保靖宣
慰司界南三百一十六里抵辰州府沅陵縣界二百
九十里抵永定大庸衛所界廣七百九十里袤九百
八十里

麟按侯公所云乃昔時永順全司地境今地則分
永順龍山二縣矣其在永順者舊為南渭上溪施
溶三州田家洞麥着黃洞驢遲洞臘惹洞施溶洞
五長官司其在龍山者舊為白崖洞長官司并土
司自設之馬羅洞長官雖今昔縣屬不同總為永
順司地境也惟所言熙寧時築下溪州城賜名會
溪標有銅柱之說不能無疑查銅柱乃晉天福中
楚王馬希範因彭士愁降附盟誓所立其文甚明
再考銅柱文云因六子以分居入五溪而聚族疑
卽指俗傳高辛氏有犬名盤瓠因得吳將軍首級

永順縣志

卷一

地輿志沿革

聖一

有功配以少女盤瓠負走南山生六兒六女自相
婚配為五溪蠻人之祖也迺前縣李竟以六子分
居為彭士愁之子見諸詳議刊載志乘不可不辨
第盤瓠負女之說亦似指斥太甚恐當時既已盟
好未必用此為笑且事不見經傳姑以闕疑可也

附三土知州六長官司沿革

南渭州古蠻夷地秦屬黔中漢屬武陵唐為富州五
季為靜邊都大鄉三亭隴西地宋為中溪所元因之
先是新添葛蠻安撫司至明洪武三年內附改陞南

渭州

上溪州古諸蠻地秦屬黔中漢屬武陵唐置溪州五

季爲靜邊都宋爲上溪州元因之明洪武三年內附
施溶州古諸蠻地秦屬黔中漢屬武陵唐置溪州五
季爲靜邊都宋爲溪州元爲白崖洞安撫司明洪武
三年內附改陞知州

臚遲洞長官司古諸蠻地秦屬黔中漢屬武陵唐爲
溪州五季爲靜邊都大鄉三亭隴西等縣地宋爲下
溪州元時向達迺踵向爾莫踵爲洞民總管明洪武
三年內附改陞爲臚洞長官司

臘惹洞長官司古蠻夷地秦屬黔中漢屬武陵唐爲
溪州五季爲靜邊都大鄉三亭隴西縣地宋屬下溪
州元洞民總管向孛爍長其地明洪武間向世貴內
附陞爲臘惹洞長官司

麥着黃洞長官司古諸蠻地秦屬黔中漢屬武陵唐
爲溪州五季爲靜邊都大鄉三亭隴西等縣地宋爲
下溪州元因之以黃麥和踵陞長官領其地明洪武
三年黃麥谷踵內附

施溶洞長官司古諸蠻地秦屬黔中漢屬武陵唐爲
溪州五季爲靜邊都大鄉三亭隴西等縣地宋爲下

溪州元因之汪良任會溪巡檢司巡檢明洪武三年
內附陞施溶洞長官司領其地

田家洞長官司古諸蠻地秦屬黔中漢屬武陵唐為
溪州五季為靜邊都大鄉三亭隴西等縣地宋為下

溪州元因之田勝祖為洞民總管明洪武三年內附
陞為田家洞長官司

白崖洞長官司古諸蠻地秦屬黔中漢屬武陵唐為
錦州五季為靜邊都大鄉三亭隴西等縣地宋為上

溪州元因之張那律為洞民總管明洪武三年內附

永順縣志 卷一 地輿志 沿革

三

改陞白崖洞長官司

外土司自設

馬羅洞長官司古諸蠻地係飛旂馬羅二姓古老蠻
民也與荆南諸司接壤於明嘉靖間秦施溶州舍田

滋為巡邊總管歷年久諸隣交睦邊民愛戴遂授長

官世職彈壓此土蓋係自設故未及請印與六長官

司同列

麟按土司舊志三州六司先明各設土職知州長
官給以印信並設流官吏目及土吏一名頭目洞
老十名隸兵八名正德間始裁吏目嘉靖時土官
又自添馬羅長官

國朝仍為三州六司每司有土百餘里分地子民而
統轄於總司宣慰使亦猶內地之郡縣也改流後
乃分隸永龍二縣今就舊志所載附錄於此以倫
參考又查土司舊志載五代梁開平間授彭城溪
州刺史是為永順地先為土蠻吳着送世業因着送
又土人云永順地先為土蠻吳着送世業因着送
久延彭氏助理彭以私恩得人心日漸強盛遂謀
逐着送着送奔猛洞順建城處今永彭復率眾擊之
着送敗走樂大樂山龍山彭乃合攻着送及彭向夾
姓歸彭氏今屬龍山彭乃合攻着送及彭向夾
攻着送勢窮遁入樂大樂山彭乃合攻着送及彭向夾
非拔綠毛以能至人樂大樂山彭乃合攻着送及彭向夾
射上絲毛以能至人樂大樂山彭乃合攻着送及彭向夾
但止大司織大志所織器與馳同竟因斃其處彭氏遂
以樂大之地酌向氏至今子孫世守之後着送陰
靈作崇彭氏懼乃建祠以祀今祠尚存舊司城土
人報賽亦必及之云信如斯言是永順始於彭又
實始於吳也第未知所據姑附錄之

永順縣志

卷一

地輿志沿革

四

坊里

永順各鄉在土司時為五十八旂曰辰利東西南北
雄將能精銳愛先鋒左韜德茂親勳策右畧靈通鎮
蓋忠武敵雨星飛義馬標衝水戰湧祥龍英長虎豹
嘉威捷福慶凱旋智勝功以七字為句每一字一旂
共五十六字為五十六旂後添設請謀二字共為五
十八旂此外更有戎獵鑲苗米房吹鼓手六旂伴儻
七旂長川旂散人旂總管旂旂各有長管轄戶口分
隸於各州司而統屬於總司有事則調集為軍以備

戰鬪無事則散處為民以習耕鑿今割南北兩旗之地歸桑植將辰東雄將銳愛鎮武標戰龍威各旗之半并先鋒韜茂策通蓋飛馬勇祥虎捷慶旋勝等旗歸龍山其在末境者則辰東雄將銳愛畧鎮武標戰龍威各旗之半并西能精德勳靈忠敵星義衝水英長豹凱智功各旗也又福字一旗則係官土宗族散處各鄉今分屬末龍兩邑

末順闌闌後建郡城於猛洞商販踵至闌闌列肆者分布於城內外漸創街坊之名其在城內者十餘處

末順縣志 卷一

地輿志 沿革

五

興隆街 東門內 清寧坊 縣前 忠孝坊 縣署左

威鎮坊 興仁坊 興化坊 老街 以上俱城中

末興坊 小西門內 拱宸坊 北門內 忠義坊 閩帝廟前

威靈坊 府城隍廟前 顯應坊 縣城隍廟前 文明坊 府縣文廟前

城外六處 新街 五通街 吉祥坊 後街

通浦坊 以上東門外 來儀坊 又西門外

附舊司城街名七處 今去郡城三十里上 新街

左街 河街 魚肚街 馬蝗口 九壘街 東門街

各鄉原共分一十八條

猛洞保 離城九十里

內白砂保 離城六十里

外白砂保 離城九十里

內塔卧保 離城一百里

外塔卧保 離城九十里

內顆砂保 離城八十里

外顆砂保 離城九十里

內龍爪保 離城八十里

外龍爪保 離城一百三十里

上榔溪保 離城八十里

下榔溪保 離城五十里

施溶保 離城一百二十里

功全保 離城一百三十里

冲正保 離城二百三十里

西英保 離城二百里

羅衣保 離城一百八十里

永順縣志

卷一

地輿志 坊里

異

王家保 離城一百里

田家保 離城一百二十里

乾隆七年奉 各上憲檄飭清保甲知縣王伯麟親

歷鄉城查點將本城內外及四鄉各保共編為二十

字號城內外分為城廂二字鄉十八保編為時和世

泰人壽年豐正德利用厚生萬邦咸寧一十八字

城內 城字號

城外 廂字號

猛洞保 時字號

內白砂保 廂字號

外白砂保 世字號

內塔卧保 和字號

外塔卧保 人字號

內顆砂保 壽字號

外穎砂保 年字號

外龍爪保 正字號

下榔溪保 利字號

功全保 厚字號

西溪保 萬字號

王家保 威字號

內龍爪保 豐字號

上榔溪保 德字號

施溶保 用字號

冲正保 生字號

羅衣保 邦字號

田家保 寧字號

市村

王村市 在縣南離城九十里上通川黔下達辰常

諸處為永郡通衢水陸碼頭凡進城貨物必於此處

永順縣志

卷一

地輿志 市村

二十七

催夫背運設施溶州巡檢一員并外委一員駐劄於市同對岸千總一員專司巡緝建有倉庫貯穀並建有公館一所

舊司城 在縣東離城三十里乃土官世居之所其

創建年月世遠無徵凡土司衙署宗堂悉在城內舖

店頗多街坊七處詳前坊里條雍正二年設同知一員駐劄於

此七年裁改今設把總一員駐劄巡查

顆砂 在縣東北離城四十里人烟繁盛景物清幽

又有曲水流觴雙松掩映實永邑勝地原任宣慰使

彭肇槐於雍正二年遷建衙署於此改土初永順城郭未建郡守與邑宰俱駐劄焉

西壩湖 在縣東南離城八十里為永定大庸各路往來要區人烟輳集田壤環繞客民列肆其間亦永境中弘敞者

列夕 在縣西離城八十里自王村以上進猛洞小河往來行舟多泊焉民居羅列商販聚處桐油香油雜油梔子藥材等貨於此收買亦要區也

十萬坪 在縣東北離城八十里為桑植要道居民稠密商賈往來田土膏腴遠山環秀

杉木村 在縣東北離城一百二十里為桑植九谿要道民居遷聚竹木交蔭葱蔚可觀

勺哈 在縣西離城二十里為龍山要道河流中瀉人戶夾岸而居林樹青葱楠木稠木多產其內

且武營 在縣南離城一百五十里為乾州要道逼近鎮箠永綏各紅苗最為緊要原設把總一員帶兵五十稽查防範營房之外闌閘數間米鹽布疋貿易有無其值最昂推值最昂故貨亦不缺諺云價高

永順縣志

卷一

地輿志 市村

哭

招遠客信然

古仗坪 在縣南離城一百三十里四面高峯疊嶂中開一坪永順府同知衙門駐劄其地溪流環繞綠柳垂蔭差可人意但地連鎮筇最近紅苗官署孤懸旁僅店舍數間後之策邊者尚宜留意

田家洞 在縣南離城一百里為苗洞總路居民聚集重崗疊嶽亦要區也

百樓關 在縣西南離城一百二十里路通保靖新關官道直達省會民居稠密峯巒高聳

永順縣志

卷一

地理志市村

四九

店房 在縣西北離城七十里路通龍頭里野直達川省酉陽黔省銅仁等處居民衆多商賈出入誠要地也

夾樹坪 在縣西離城五十里係保靖往來之地烟火連綿竹木蒼鬱乾隆五年知縣王伯麟捐建公館於此以備當事者往來

李家坪 離城五十里為桑植茅岡往來要道地勢平敞竹木成叢設有外委一員防汛於此

自生橋 在縣東離城三十里兩岩夾澗橫石如梁

故云自生橋卽土司八景之一所謂石橋仙洞也
形勝

野毛關 在舊司城東一百七十里

榔溪關 在舊司城東南一百八十里

百丈關 在城東石巖對峙中有小峽流泉湍急

大坪關 在天門山南通辰沅之要道

龍伏關 城東五十里

飛霞關 城東六十里尖峯插天路通顯砂未定

龍爪關 此下二條照土司舊志補入

距司治東二百里在青天

永順縣志

卷一

地輿志 形勝

五

坪之前與大庸所後坪楊林爲界前臨五溪
河源

紙蓬關 在司治三百里稻羅洞乞車地

永順八景 詩載藝文

玉屏煥彩 城北十五里其山自千餘里奔騰而來

頓起土星如玉屏開障起五峯落平陽
後起小屏爲郡城之靠身日出光彩煥
然

文峯擁秀 在城南二十里三峯特立中峰尤秀

榜岫雲晴 在城西二里名掛榜山尹濟雲開光華
絢爛

福嶺霞蒸 在城東十里許每日出霞氣鬱蒸

龍洞朝雲 城東飛霞山半有深洞俗傳有龍居之

朝雲起即大雨屢驗

雙溪夜月 城東西二溪水夾城而流至南門交會

入泚江每月明視之雙輪照射

河港溫泉 城南十里河港沸出溫泉澄潔如玉

連橋新市 城東半里許溪流濶深新建二橋復以

承順縣志

卷一

地輿志 形勝

五十一

亭瓦商民列市煙景如畫前郡尊袁題
額一日迎恩一日太平

靈溪十景

照土司舊志補入

詩載藝文

福石喬木 在福石山之側萬木成叢四時皆翠

雅意耳泉 在河西岸即耳泉

繡屏拱座 詳繡屏山下

玉笋參天 在司北岸山形矗立似笋

石橋仙渡 即自生橋空敞處昔建有亭其北有山

洞浮於水面僅二尺許遊人俯伏於

舸中負洞底穿出水深莫測潏然震聲如雷人多憚焉相傳云下有蛟龍潛伏於此

翠窟晴嵐 在繡屏山之右天將霽必先呈嵐

羊峰毓秀 詳羊峰山

龍洞鍾靈 卽水府閣側龍洞

柳溪夜月 見柳溪條下

銅柱秋風 見古蹟銅柱下

顆砂八景 照土司舊志補入 詩載藝文

奇峰聳碧 見斗泉

承順縣志 卷一 地輿志 形勝 五

清野流雲 在顆砂南橋三里有巨池昔曾畜鱧子

諸魚當天際雲氣流遶影映池內故名

北嶺樵歌 在顆砂北凡樵採者羣歌於嶺若與鳥

鳴相和故名

東江漁火 見松雲潭

竹橋吟眺 見顆砂竹橋

松塢碁聲 在顆砂古篆碧水前左右植羅漢巨松

二株盤旋如華蓋每值風生聲若敲碁

平川霽月 在松塢碁聲之左一派寒泉自平川而

入遇晴霽之夜川水澄徹月色最佳

老園含香 在顯砂署側有圍植老梅

山川

蟠龍山 城南八十里山峰高聳蜿蜒如龍上建真

武廟雨暘叩之多應

飛鳳山 城東北三十里兩峰插立儼如鳳翅故名

太陽山 城東八十里高出諸峰日升於頂宛若扶

桑

玉屏山 城北十五里圍環空立如屏即八景之一

永順縣志

卷一

地輿志 山川

飛霞山 城東二十里上有飛來石閣棟宇門戶甚

神工

觀音山 城北十五里左有巨石右有玉泉其味甚

旗鼓山 城南五十里三峰並峙左形似旗右狀如

鼓中若文筆顯天

福石山 城東南三十里在司治後即華蓋山巔嶽

揮雲古木森陰

壽德山 城東南三十里在司治左

祿德山 城東南三十里在司治右

麟按福祿壽乃三座山名查前縣李創脩志書合福祿壽為一山又謂後即華蓋山恐或考查未的耳

太平山 城東南十里高大雄偉為東方巨障

繡屏山 城東三十里舊司治前六峯並峙拱抱如

屏靈溪十景所謂繡屏拱座也

錫帽山 城西三十里形如帽頂有古樹一株四時

青翠人稱為錫帽插金花

高望山 城南一百五十里高插天半登陟遠望一

目千里

天馬山 城東南三十三里昂首平背如馬聳立

永順縣志

卷一

地理志 山川

五

心印山 城東九十里平敞中復拱一山狀如覆鏡

羊峯山 城西八十里奇峯特出險峻難登即靈溪

十景之羊峯毓秀也

將軍山

此下照土司舊志補入

在福石山之右四山

圍繞若將軍獨立其上彭元錦建祠於頂

以祀關帝又建江湖廊廟公署及若雲書

院於坪

紗帽山

在司治西北岸形如紗帽四時有花草相

傳云此花草榮茂異尋常則 朝廷有榮

典

雲霧山

在司治東南九十里巒峯雄峙橫亘插天
路由頂下迂迴百折俯視羣山羅列其足

賀虎山

在司治東八十里昔曾捕獵於此殺一虎
衆皆賀遂名賀虎山其坡其溪亦因以名

野豬山

在南潤州治南十里山多野豬故名
在南潤州治東十里有洞如虛堂可容百

人

高仰山

在上溪州其體最高遊者必仰視乃得見

永順縣志

卷一

地輿志 山川

五五

拜天山

在驢遲洞土民每祈禱登高而拜多有應

和尚山

在驢遲洞有石狀如僧頂

蘇木山

在驢遲洞產木可染紅紫土名隙合苦

岩峰山

在驢遲洞有岩峰釀蜜故名

黃連山

在驢遲洞多產黃連木故名

岩人山

在驢遲洞土名農那必生有石狀如人

鴉噪山

在臘惹洞多竹木鴉常集之故名

蘭蕙苦山

在臘惹洞多蘭蕙土名洛迭苦

桂竹山

在麥着黃洞治六里許山多桂竹

水田山 在麥着黃洞東八里上有泉可流灌數十里因闢成田

駱駝山 在麥着黃洞有獸如駱駝嘗出故名

三鎗岩 城東一百六十里水澆交界處岩尖有三

如金鎗

奇峯 在司治西北二十里一山直如筆高揮雲

表人不可上其下為斗泉

城東北內有物如驢時或出見見則年豐舊司城南四里瀑布如雲相傳龍居其中

水順縣志

卷一

地輿志

五十六

土人祈雨最應即靈溪十景之龍洞鍾靈也

滕惹洞 城東南六十里泉出洞中歲旱祈雨即應

若夕洞 城南十里許石崖橫江舟楫難行今已脩

鑿

春容洞 城東河六里下洞屹立水漲浪高礙難行

舟今已脩鑿

打洞 大河三十里叢石陡險浪激如雷今已脩

平河通舟楫

老虎洞 城大河六十里巨石湧流水噴如吼故名
福石洞 此下照土司舊志補入 在司治西南四十里

即福石坪為本司古老六大洞之首

寶瓶洞 在司治東南五十里即古老六大洞之二

西古洞 在司治西南九十里即古老六大洞之三

賀山洞 在司治西北七十里即古老六大洞之四

納溪洞 在司治東南四十里即古老六大洞之五

麟按六大洞之五為瑣峩洞以分屬龍山境故畧

二門洞 在南渭州治東五里江中有三大石對立

永順縣志

卷一

地輿志 山川

如門故名

犀牛洞 在臘惹洞相傳有犀牛常現於此

煞氣洞 在麥着黃洞司治北五十里許洞上若氣

烟起主動刀兵

猴兒洞 在麥着黃洞司治東南六里許四面石竅

相通猴多穴其內

響水洞 在麥着黃洞司治半里許水自深山流出

注於此北江激石聲響如雷

教場坪 在司治西二里許土人常於此處演武

博射坪 在司治西北五里地寬敞土人每於此博射

青天坪 在司治東九十里上有石屋可容百人

送答茄 上俗稱山亦曰茄下同 在司治東南龍洞後高險陡峻

羊腸鳥道

岩送茄 在天馬山後四維高聳

郇吾 土俗稱山亦曰吾下同 在司治東南七十里山最高險昔

曾為砦柵久廢

岩納吾 在磚砌坡山甚高

未順縣志

卷一

地輿志 山川

五八

郇捏吾 在羊峰山之巔古有砦今廢

那齋河 城大河四十里巉石橫水今已脩平

猛洞河 自桑植中建司發源通王村大河迂廻曲

折中多巨石舟楫溯流而上者必用扛擡

今已脩濬水勢畧平

五溪河 城東南自青天坪流出經龍爪關通大庸

所後坪土坪之田實資灌溉焉

榔溪 城東南四十里兩山並峙一水中流即靈

溪十景之榔溪夜月也

施溶溪

城東南一百二十里出王村達北江

靈溪

舊司城廻抱如帶出王村達北江

白砂溪

舊司治西南有連雲坡左右兩泉自山迸流合而爲一入靈溪

羅衣溪

舊司治東南一百六十里源自高望山流出入北江

會溪

舊司治東南一百七十里五代晉時楚王馬希範立銅柱於此

納溪

此下照土司舊志補入在司治東南五十里即

永順縣志

卷一

地輿志 山川

五九

本司古老六洞之納溪洞也

免車溪

在司治西南二百里源自免車順流至舖土巴入北江與保靖惹巴坪分界

撲猴溪

在驢遲洞人多於此捕獵故名

野猪溪

在麥着黃洞東三百里多野猪故名

洗甲溪

在麥着黃洞司治西昔土人奉徵調即於此磨鎧甲故名

龍潭

有二一在靈溪下流一在雲靄山下又名弄答土司舊志載宋季土司彭允林建治

溫潭

於此遺址尙存

有二一在猛洞河一在上溪州其水溫熱如湯冬月可浴在猛洞河者即八景所謂河港溫泉也

呂公潭

城北三十里原建祠於岩上祀呂祖今廢在王村北流下相傳昔有人射透石壁今箭猶存

松雲潭

此下照土司舊志補入 在司治西北三十里有亭名醒心亭有屋曰安壽山房其岸西

未順縣志

卷一

地輿志 山川

六

虎頭潭

石壁刻松雲潭三字右石壁勒東江漁火並年月即顆砂八景之一

鬼灘

水最深有石虎頭在會溪其灘險而怪故名

茨灘

城東百五十里浪湧濤飛洶險異常

鳳灘

城東南百六十里水中石若飛鳳灘長約六七里浪濤奔騰如箭有頭鳳二鳳三鳳之名其險異常

順江灘

在北江自施溶溪順流而下故名

井泉 城東三十里白岩縫流出清潔其潔四時

不涸即靈溪十景所謂雅意耳泉也

斗泉 城西北五十里青峯聳碧清流疊湧石上

勒斗泉二字

飛泉 城東南七十里急流飛瀑望如珠簾

白水泉 在麥著黃洞司治西南一里許懸岩瀑布

下注北江

井 顆砂等處相傳有鹽井為前土司封禁今訪求

之竟不得

永順縣志

卷一

地輿志 山川

十一

八桶湖 在司治西三里土司前代宗祖多葬於此

聚龍湖 在司治東四十里雲南右布政使司彭翼

南塋此後遷壽德山今石牌坊並橋尚存

天乙池 在太平山頂右相傳昔鑿貯水以壓司治

熒星後池竭屢有回祿患

射圃池 距司治五里彭翼海鑿

高峯池 在高峯舖前池甚廣濶開昔開鑿以蓄今

魚者

天池 在司治東四十里聚龍湖之東毛士坪池

月樣池

樣如月昔嘗有巨魚又名天堰
在雅草坪太平山脚池如月樣

蓮池

在釣磯公署後二池出蓮分紅白兩種

古蹟

銅柱

在城南施溶之上王村之下與會溪對岸

昔五代晉時楚王馬希範與彭士愁設盟
所立高一丈二尺重五千斤上有銘記學
士李弘舉撰載藝文

老師岩

在城東北五十里高岩懸壁似人形相傳

永順縣志

卷一

地輿志 山川

三

有巫師求雨至此頃刻雷電交加風雨大
作巫忽印身於石披髮伏劍宛然如生至
今禱雨屢驗

仙人洞

城東八十里相傳每見仙人出入凡人有
宴會具帖於洞口乞借仙人酒器輒與之
後有隱器不還者洞遂閉

仙人舟

在南澗州河岸石壁空中懸船一隻相傳
仙人遺跡至今猶存

女娘洞

在施溶地相傳昔人祈雨見一婦績於洞

口旁置瓶巫者率土人鳴鑼吹角而上婦
怒擲瓶下雨即隨瓶至

茄灑土 此下照土司舊志補入 在司治東南十里靈

溪河南岸懸岩絕壁有一石洞洞門高敞
相傳古之士蠻長吳着送曾於此曬鎧甲
至今橫木尚存有欲攀援而上者將近洞
口尺許雷電忽作風雨大至惶懼而返
在羊峯山下相傳古於此建城後徙去惟
斷磚殘址存焉

羊峯城

永順縣志

卷一

地輿志 山川

三

下溪州城

在會溪宋時築久廢

仙人棺

在南涇州岸壁一空內懸棺一具相傳仙
人所遺至今尚存

建置志

郡邑既設必置城池公廨倉庫郵傳津渡汛防所以出政治通聲教謹積儲速公務便行旅嚴武備也矧永新闢地又附郭首邑詎不較他邑尤重也今興建營造次第就緒悉錄之以脩稽考志建置

城池

李氏曰永邑舊土司地亦有城垣然負險而居非都會之所雍正七年奉

旨設官分治築城垣時 巡察院唐見猛洞之地沙明永

永順縣志

卷一

建置志城池

六

秀平陽曠濶可以建城先行摺奏後

撫憲趙

安置六里親率文武官僚於此相度以建

城為宜因指示祠宇衙署諸處遂請將土司呈獻官

產田地與土民更換地土築城城週圍五里三分高

一丈九尺加女牆三尺初議以土夯築

夯杭上聲用力堅舉也

詳請咨達嗣以永邑土質多沙不能經久一府四縣

各捐養廉議改石城詳允建置設五門城樓各五座

高二丈六尺東曰朝陽南曰文昌大西門曰來儀小

西門曰義和北曰拱辰炮樓一十四座共費

國帑一萬七千二十一兩三錢七分六厘內外俱砌石
所用丁石鷺石等項費去銀四千五百餘兩
郡尊袁諱承寵捐銀三千兩前邑宰李諱瑾捐銀一
千五百餘兩共勦盛舉興工於壬子年四月二十四
日落成於癸丑年五月二十未日雉堞環聳四面完
固洵一郡之壯觀至池以衛城水邑雙水夾流不假
脩鑿西則大河自玉屏山右環城而南可通舟楫東
則白砂河從左流繞至南門兩水交合曲折而出巽
方卽辰州北河之源此建置之大端也

永順縣志

卷一

建置志 城池

六五

改建石城始末節叙兩司會詳稿

爲飭議事本司等會查得永龍保桑四縣城垣奉
憲臺批飭檄司會議當卽轉行該府逐一詳查確議
去後今據該府行據永順縣詳稱永順土性雖屬有
砂非不可建築城垣但不若石城可垂永久明知養
廉有限如力不逮尚可典貸告成何敢派累等情又
據保靖縣詳稱從前估計以動帑圖其省今之請改
願捐亦以不增帑項圖其成將內城石移砌於外少
石三尺所需約如所捐之數是爲力所能勉敢萌不

肖私心其以性命殉之等情又據龍山縣詳稱改建石城捐資建造實出卑職身沐

皇仁

憲德正當竭盡駘駘即借貸變產亦所樂從斷不敢借端派累自干嚴譴等情又據桑植縣詳稱卑職城基東南皆山西北臨水非不可築土城但日引月長難保傾頽貽累之患明知養廉有限求免後患即典貸亦必竭力辦理何敢派累以辜愛惜邊氓德意即據永順府亦稱願捐銀三千兩係兩歲養廉並非沽名期免日後傾圮之累等情議詳前來本司等覆

永順縣志

卷一

建置志 城池

六

查此案城垣先經該府縣估定高寬丈尺形勢需用磚石等項造冊詳請

題達奉文遵照在案似不得擅行議更議改以瀆憲聽者也該府因見所築衛署圍牆土性帶砂有隨築隨倒之患是以計及城垣有移內石砌外之議無非圖其堅固可垂永久諒不敢萌不肖之心以自貽伊戚也茲各該縣均以堅固為詞願捐而且身家性命之憂情詞剴切似非虛假至將來造報如以上城報銷難免朦混應將內石移外各捐聲明在

夫部必以經久者稱善似不干駁詰者也茲據前情
相應聯銜會詳奉
督憲批如詳轉飭上緊建築造報仍候
撫都院批示繳奉此又奉
撫憲批仰候
督部院批示繳各等因奉此

永順縣志

卷一

建置志 城池

七

公署

文職

提督學院行轅

即考棚

在城東南隅乾隆二年陞縣徐令領 帑創建

本府署

在城正中雍正十年陞任本府袁領 帑創建

清軍廳署

在縣東南境古伏坪離城一百三十里雍正 年
前任戎府朱領 帑創建

糧捕廳署

在桑植舊司城

經歷司署

在府署頭門外右邊雍正十年前任經歷謝昌言

領 帑創建

府學教授署

在城西北隅府學之左雍正十三年教授段頴聰

領 帑創建

永順縣署

永順縣志

卷一

建置志 公署

六

在城西隅中建大堂三間堂後東西各二間次建

二堂三間後建任房三間東西廊各三間立圍牆

開虎坐門東廚房三間大堂前東西各六間為六

房辦事之所儀門之東南向土地祠三間門一間

西為監房正大門三間東西各二間班皂居之共

房四十四間雍正十年前任知縣李瑾領 帑創

建並監庫共費九百六十一兩三錢四分五釐

捕衙署

在縣儀門之右大門一間二門一間東西書皂房

二間大堂三間二堂三間住房三間廚房一間書房二間共用銀一百八十八兩七錢三分雍正十年典史閻繡領 帑創建乾隆六年典史陳尚義添建書房一間

施溶司巡檢署

在縣治東王村市離城九十里雍正九年前任巡檢王進孝領 帑創建其間數銀數俱與捕衙署同

田家司巡檢署

巡檢缺裁

永順縣志

卷一

建置志 公署

六十九

原設於舊司城嗣詳請移駐未定衛城雍正十年前任巡檢朱士魁領 帑建署其銀數間數俱與捕衙署同乾隆元年未定設縣田家司巡檢缺裁其署存

縣儒學訓導署

在城北隅縣學宮之左雍正十三年訓導黃日炳領 帑創建

武職

永順協署

在城東北雍正十年陞任本府袁 領 帑創建

永順協中軍都司署

在城東南雍正十三年陞任本府袁 領 帑創

建

專城把總署

在城東北隅雍正十年陞任知縣李瑾領 帑創

建

王村公館

在縣城離城九十里雍正十三年前陞縣徐正恩

永順縣志

卷一

建置志 公署

七

捐建

夾樹坪公館

在縣西離城五十里乾隆五年知縣王伯麟捐建

岩弄磯公館

在縣南離城四十里雍正十年前陞縣李瑾捐建

城中義學

在縣署左乾隆三年前陞縣徐正恩捐建

老司城義學

在縣東離城三十里乾隆三年前陞縣徐正恩捐

建

勺哈義學

在縣北離城二十里乾隆三年前陞縣徐正恩捐
建每年赴 藩庫請銀各給一十六兩作館穀

桂香書院

即文昌祠

在縣學宮之右雍正十年前陞縣李瑾捐建並置
田 一處據張世榮李永吉互爭司官帑戶田河
外火印斗四斗查每年入官帑八捆今將帑豁免
斷入以供香火 一處土名塔卧尔無水田一十

永順縣志

卷一

建置志 公署

七十一

近火印種三斗

倉庫

積貯倉

一城東門外倉十四間盤查廳一間外頭門一間

雍正八年陞任知縣李瑾領銀創建

貯積穀

乾隆三

年陞任知縣徐正恩領銀於舊倉旁添建倉廩伍

間

貯兵穀

一縣署左側圍牆內倉廩十四間乾隆三年陞任

知縣徐正恩領銀創建

貯積穀

一王村倉二間乾隆三年陞任知縣徐正恩領銀
創建貯兵

一旦武營倉二間乾隆三年陞任知縣徐正恩領
銀創建貯兵

大庫
在縣堂之左

附載

養濟院

在城東門外九間乾隆二年陞任知縣徐正恩捐

未順縣志

卷一

建置志 倉庫

七

建

棲流所

在城東門外三間乾隆四年前署縣事本府經歷

謝昌言捐建

育嬰堂

在縣署左八間雍正十三年陞任知縣徐正恩捐

建

監獄

在縣署儀門之右監房三間獄主堂二間外監一

間頭門一間雍正十年陞任知縣李瑾領 帑創
建

郵傳

一自郡城猛洞起至辰州府沅陵縣治大路交界止
共一十二鋪

本城鋪掛號鋪司一名鋪兵四名

轍樹坪鋪鋪司二名

他砂鋪鋪司二名

岩弄磯鋪鋪司二名

永順縣志

卷一

建置志 郵傳

七三

倚窩坪鋪鋪司二名

小農村鋪鋪司二名

楓香坪鋪鋪司二名

王村鋪鋪司二名

茅坪鋪鋪司二名

鐵匠鋪鋪司二名

高望水井鋪鋪二名

焦坪鋪鋪司二名

一自郡城猛洞起至桑植縣治大路交界止共七鋪

釣磯岩舖舖司二名

顆砂舖舖司二名

車坪舖舖司二名

馬落坪舖舖司二名

九道水舖舖司二名

排柴凹舖舖司二名

岩屋口舖舖司二名

自郡城猛洞起至龍山縣治大路交界止共四舖

戶坪舖舖司二名

永順縣志

卷一

建置志 郵傳

七

勺哈舖舖司二名

大胡界舖舖司二名

伴胡舖舖司二名

一自郡城猛洞起至保靖縣治大路洗溪河交界止

共四舖

七溪舖舖司二名

時鐵湖舖舖司二名

惹毛舖舖司二名

夾樹坪舖舖司二名

一自郡城猛洞起至王村轉遞南路保靖白棲關大路交界止共三舖

碗水舖舖司二名

王家崗舖舖司二名

田家崗舖舖司二名

麟按永邑開關之始原設三十舖共舖司六十
七名乾隆四年七月內奉文將鐵匠舖減舖
司一名添於古伏坪又將高望界舖減舖司一
名添於古伏坪又將焦坪舖減舖司一名移於
黃土坡共撥去三名縣冊現存六十四名

津梁

永順縣志

卷一

建置志 郵傳

七五

本城猛洞河

渡船二隻

渡夫四名

王村

渡船一隻

渡夫二名

牛路河

渡船一隻

渡夫二名

榔溪

船渡一隻

渡夫二名

麻溪

渡船一隻

渡夫二名

共渡夫一十二名每名每年工食銀四兩共銀四十

八兩每年按季於藩庫三分公項銀內支給渡船

係領項銀三十六兩脩造本城渡夫四名存二名以

一名撥戶坪渡

龍頭里野大路

一名撥勺哈渡

龍山

麻溪二

名以一名撥釣磯岩渡

桑植大路

一名撥紙房渡

沅陵除大路

麻溪係領項脩造餘三隻陞任知縣李瑾捐設

麟按現在渡夫一十二名本城二名戶坪一名勺

哈一名王村二名牛路河一名列夕一名舊司城

一名自生橋一名釣磯岩一名擺里一名雖與原

設之處畧異蓋因地制宜期於便利也

永順縣志

卷一

建置志 津梁

七

太平橋

在縣東門外溪流環城而左至南門外會

猛洞出辰方入北河前陞任知縣李瑾造木橋以

濟上有亭屋買人列肆其間

迎恩橋

在縣東門外半里許河名白砂其源頗遠

前陞任知縣李瑾建造木橋上蓋亭屋與上太平

橋即八景之一所謂連橋新市也

自生橋

在縣東三十里天然石橋

土司舊志云石駝背橫跨如橋

其下空敞兩面通達可容數百人

互詳前市村內

榔溪橋

在縣東南一百里榔溪可考土司舊志云

彭顯英妻彭氏建久圯

竹橋 在縣東四十里顥砂街之右土司舊志云幕

賓張天祐創即顥砂八景內之竹橋吟眺也

小農村橋 在

又據土司舊志載橋梁六處

顥砂橋 在顥砂土司行署前長三丈濶二丈高二

丈皆巨石所纍土司舊志云彭世麒建

聚龍湖上橋 在聚龍湖上人云與下橋均為彭翼

永順縣志

卷一

建置志 津梁

七

南母彭氏建今僅存舊址

聚龍湖下橋 在迴龍庵前

惹汝橋 在顥砂大道土人稱宜人惹汝建土司妻封宜人

久廢

顥亮橋 在王村大道顥亮坪俗名膏梁坪原彭氏

建未成橋木尚在

慈惠橋 在顥砂大道釣磯岩溪岸

汛防

永順協額設經制官八員

副將一員係新設

中軍守備一員 今改都司

千總二員

把總四員 係湖北均房右營撥補

額設兵丁八百名 係本省南北各內

馬戰兵六十八名 雍正七年九月內為敬陳管見

外委把總四員與經制千把總協防管辦

其操馬糧餉俱在六十八名之內

一百八十五名守兵五百四十七名

一駐劄永順府城

永順縣志

卷一 建置志 汛防

七六

副將一員

中軍都司一員

左哨後司把總一員

左哨前司外委把總一員

分防塘汛

金魚潭塘 虎視坪塘 倚窩坪塘 中寨塘

喇集溪塘 列夕塘 樹坪塘 夾樹坪塘

惹毛塘 小井塘 牛欄溪塘 勺哈塘

傍湖塘

以上一十三塘共兵丁三十九名係存城把總
專防外委把總協防

一駐防榔溪舊司治汛原駐顛砂雍正十一年八月內府協移駐新建永順府城

故移駐把總於榔溪舊司治

右哨後司把總一員

協防李家坪汛

右哨外委千總一員

分防塘汛

巖門塘

貯庫坪塘

洗灞湖塘

賀虎塘

永順縣志

卷一

建置志 汛防

七九

龍爪關塘

野毛關塘

麻陽坪塘

馬落坪塘

細沙灞塘

關坵塘

顛砂塘

十萬坪塘

杉木村塘

海角溪塘

萬民崗塘

以上一十七塘汛共馬步兵丁八十一名係駐

防榔溪舊司治把總專汛外委千總協防

一駐防王家村汛

右哨千總一員

分防塘汛

博古坡塘

膏梁坪塘

西喇塘

榔溪河塘

三白洞塘 南渭州塘 王家崗塘 田家崗塘
一碗水塘 芋坪塘 施溶溪塘 桑木灘塘
鳳灘塘

以上一十四塘汛共兵丁七十名係王家村汛
千總專防

一駐防旦武營汛

右哨前司把總一員

協防土蠻坡汛

左哨後司外委把總一員

末順縣志

卷一

建置志 汛防

全

分防塘汛

洗溪塘

新寨塘

龍鼻嘴塘

以上大小五塘汛共馬步兵丁一百六名係駐
防旦武營把總專防外委把總協防

一駐防龍山縣城

附

左哨千總一員

協防上母池汛

原駐白岩洞雍正十三年三月內為
詳請增添塘汛移駐上母池

左哨外委千總一員

協防他涉汛

原駐末順縣屬田家崗雍正十三年正
月內為詳請增添塘汛移駐他涉

右哨前司外委把總一員

分防塘汛

江西寨塘 大毛坪塘 被沙革塘 紅巖溪塘

汝池塘 新寨塘 龍車塘 白巖崗塘

里必崗塘 殷家壩塘 馬羅崗塘 落塔塘

歐昔坪塘

以上大小一十六塘汛共馬步兵丁一百二十

一名係駐防龍山縣城千總專汛外委千把總

協防

永順縣志

卷一

建置志 汛防

全

一駐防魯碧潭塘汛

原駐里耶雍正十三年三月內為詳請增添塘汛移駐魯碧潭

左哨前司把總一員

協防大喇汛

原駐龍頭乾隆元年九月內為土司嚮化歸誠等事移駐大喇

右哨後司外委把總一員

分防塘汛

里耶塘 比耳塘 麥子坪塘

朱家寨塘 捏車塘 洗車溪塘

桃坪塘 金線湖塘 刺寨塘

以上大小一十三塘汛共馬步兵丁九十四名

係駐防魯碧潭把總專汛外委把總協防

永順縣志

卷一

建置志

八十二

